



A/S Skog

Kontakt saksbehandlar

Einar Heegaard, 51568872

Att. Hans Petter Tønnessen

Felling av ringbarka døde trær nær bygningar i Stråtveit naturreservat.

Med heimel i forskrifta for vern av Stråtveit naturreservat § § 1 og 9 får A/S Skog løyve til å gjennomføre skjøtselstiltak, dvs. fjerne tre som allereie er ringbarka, og står i fare for å dette over naust og uthus i Stråtveit naturreservat. Ved synfaring på staden blei Statsforvaltaren gjort merksam på at tidlegare tiltak ikkje har hatt ønska verknad og at trea i tale står i fysisk fare til å ramle over bygningar. Løyvet gjelder fram til 1. mai 2022.

Vilkår:

- i) Dispensasjonen gjelder berre for tre som allereie er ringbarka.
- ii) Løyve gjelder for manuell hogst.
- iii) Felte tre skal ligge att på staden.
- iv) Stokkane kan kvistast slik at dei kjem i god kontakt med bakken. Dette vil gi fortgang i råteprosessen.

Bakgrunn:

A/S Skog har tidlegare skjøtta skog ved uthus og naust i Stråtveit naturreservat, jf. dispensasjon datert 05.05.2020. Tidlegare tiltak inkluderte ringbarking av einskilde tre som står i fare for å ramle ned over uthusa. Tanken var at desse trea ikkje vil rotvelta mot uthusa, men at stokkane ville døy og råtne på rot. Derimot har det vist seg at herskande vind gjer at trea likevel står i fare for å ramle over uthusa og potensielt skade desse.

Statsforvaltaren har vore på synfaring i Stråtveit naturreservat saman med representant for A/S Skog og da blei nemde problemstilling vurdert.

Heimelsgrunnlag:

Stråtveit naturreservat blei verna ved kgl. res. 7. desember 2018.

Rik edellauvskog er ein del av føremålet med verne, jf. § 1 i verneforskrifta, og i reglane for vernet er det stadfesta at vegetasjon, medrekna daude buskar og tre, er verna mot skade og øydelegging, jf. § 3 a.



Omsøkt tiltak vil difor krevje dispensasjon frå vernereglane.

I verneforskrifta kan forvaltingsmynde gi dispensasjon til istandsetting, vedlikehald, og skjøtsel av kulturminne, jf. § 7 b spesifiserte dispensasjonsreglar. Vidare kan forvaltingsstyresmakta «setja i verk tiltak for å oppretthalde eller oppnå natur- og kulturtilstand som er føremålet med vernet», jf. § 9 skjøtsel.

Vår vurdering:

Statsforvaltaren sin vurdering følger § § 8-12, jf. § 7 i naturmangfaldlova.

§ 8 (kunnskapsgrunnlaget)

Stråtveit er eit naturreservat der Statsforvaltaren har synfart i fleire høver med omsyn på større skjøtelsoppgåver. I samband med desse tiltaka er også mindre tiltak vurdert. Kunnskapsgrunnlaget reknast som godt, baa med omsyn til natur og kulturverdiar i verneområdet.

Tiltaket vil råke einskilde tre som allereie er daude, og det vil berre endre på tilstanden frå ståande til liggande daud ved.

§ 9 (føre-var-prinsippet)

Me visar til kunnskapsgrunnlaget og eit føre-var-prinsipp § 9 vil ikkje kome til nytte her.

§ 10 (økosystemtilnærming og samla belastning)

Tiltakets omfang og karakter er av ein slik art at det ikkje vi påverke naturverdiane i området, og det vil ikkje påverke samla belastning nemneverdig.

§ 11 (kostandane ved svekking av miljø skal bæres av tiltakshavar)

Me gjer tiltakshavar merksam på at dei er ansvarleg for å hindre eller avgrense skade på naturmangfaldet av tiltaket utover det som er gitt i dispensasjonen.

§ 12 (Miljøforsvarlege teknikkar og driftsmetodar)

Tiltaket er manuell hogst, og stokkar som blir lagt ned må ligge att på staden. Stokkane kan leggast inn i skogen slik at dei er til mindre sjenanse frå uthusa.

Konklusjon:

Statsforvaltaren i Rogaland vurdere tiltaket som naudsynt skjøtsel av Stråtveit naturreservat. Tiltaket vil hindre svekking av kulturlandskapsverdiar og kulturminne utan på påverke verneverdiane og naturmangfaldet nemneverdig.

Klagerett:

Dette enkeltvedtaket kan klagast på innan tre veker, jf. § § 28 og 29, forvaltingslova. Ein eventuell klage skal stillast til Miljødirektoratet, men sendast om Statsforvaltaren i Rogaland, sjå adresse under.

Med helsing

Per Kristian Austbø
ass. Fylkesmiljøvernssjef

Einar Heegaard
seniorrådgjevar

Dokumentet er elektronisk godkjent



Kopi til:

Miljødirektoratet Postboks 5672 Sluppen 7485 TRONDHEIM